

ثابرات وِسِّ ثناین ن بُولُوس اِ اِکُورِینِشِین

أَسَلَم

1 بُولُوس، أَمَازان ن یِشُو لَمَسِیحَ عَلاَحِسابَ لُخاضارن اَرَبِّي ذِ ثاوماث تِمْوِثِیُو، اِ تِمْسُمُونَت ن اَرَبِّي ثَنِّي اِلَّانِ ذِي كُورِینِثُوسِ اَكْ-ذِ مارًا اِمَقْدَاسِن اِنِّي اِلَّانِ ذِي مارًا اَخاِيا: تِیعْمِثِ خاوم ذِ لَهْنا زِي اَرَبِّي بابائِغِ وُ زِي سِیْذِي یِشُو لَمَسِیحِ.

اَرَبِّي ن مارًا اَسْفُوج

3 لباراكا اَقَات اِ اَرَبِّي، ثاباباث ن سِیْذِیْغِ یِشُو لَمَسِیحِ، ثاباباث ن اَرَحْمِثِ ذِ اَرَبِّي ن مارًا اَفُوج، 4 وُ نِّي خانغ اِتْسَفُواجِن ذِي مارًا لِحْصارِثِ نَغ، جِیما خَنِّي نَقْدَ اَذِ نَسْفُوجِ خِ اِنِّي اِلَّانِ ذِي مامِشِ ما لِحْصارِثِ سِ وُفُوجِ اِ زِي نَتَواَسْفُوجِ نَشِینِ سِ یِخْفِ نَغِ زِي اَرَبِّي. 5 مِیْزِي اَمِنِ اِفِیْضِ ذائِغِ اَوْدَبِ ن لَمَسِیحِ، اَمُو اِفِیْضِ عاوذِ وُفُوجِ نَغِ سِ لَمَسِیحِ. 6 ماشا مالا حِصارن اَنغِ، اَقَا مان اِیا اِ وُفُوجِ ذِ وُسْنِجِمْ نَوْمِ اِنِّي اِ ذِ غا یاوین لَغِیْلِثِ نَسِنِ مالا کَنبِوِ عاوذِ ثِکْسِیْمِ اَوْدَبِ اَمَشْناوِ ذِ نِکْسِیِ وُلا ذِ نَشِینِ، نِیغِ مالا نَتَواَسْفُوجِ اَقَا مان اِیا اِ وُفُوجِ ذِ وُسْنِجِمْ نَوْمِ عاوذِ. 7 اَسِیْثِمْ نَغِ اِ کَنبِوِ اِمِثِنِ، مِیْزِي نَسِنِ، بَلِّي اَمَشْناوِ ثِشارِشِمْ ذِکْ وُودَبِ، اَمُو اِ غا ثِشارِشِمْ ذِکْ وُفُوجِ. 8 مِیْزِي وار نَحْصِ شِا، اِ اَوْمِاثِنِ، اَذِ جِهْلِمْ خِ لِحْصارِثِ نَغِ اِ خانغِ اِکِنِ ذِي اَسِیْبا، اَقَا ثِکْا خانغِ اَنگَارُو سَنَجِ خِ نَرْمِارِ نَغِ، اَلِامِیِ عَلاَحالِ نَقْضِ عَلاَحالِ لایاسِ زِي ثُوذارِثِ نَغِ، 9 واه، نَشِینِ سِ اِخْفِ نَغِ ثُوغا نَحْصَبِ بَلِّي اَذِ خانغِ اِتْواَحِکِمْ سِ لَمُوثِ، جِیما وار نَتِیْقِیِ شِا ذِکْ اِخْفِ نَغِ، ماشا ذِي اَرَبِّي وُ نِّي دِ اِسْنِکارانِ اِمْتِینِ. 10 نَتَا اَقَا اِفْکْ اَنغِ زِي لَمُوثِ ثامقِرانِثِ وُشا اِتْفِکْا اَنغِ وُشا نَشِینِ نَتِیْقِیِ ذایسِ بَلِّي اَذِ اِنغِ اِفْکْ عاوذِ، 11 اِلی کَنبِوِ عاوذِ اَذِ اِنغِ ثِعاومِنِ سِ ثِراِلیْثِ نَوْمِ، جِیما اَذِ قاذنِ اَطاسِ خِ سِیْیِثِ نِ مِینِ ذِ اِنغِ اِمُوشِنِ زِکْ واطاسِ.

أَبْدَل ن وَسَّافَار ن بُولُوس

¹²مِيزِي وَا ذِ اسْمَعَار نَغ، شَهَادَت ن تَنْفَسَشَت نَغ، بَلِي آقَا-نَغ نُويُور ذِي دُونِيَت س لَصْفَايَت ذِ نَازْدُوَكِي ن آرِّي، وَا رِإِي س نِيغَرِيَت ن وَيَسُوم، مَاشَا س نِيَعْمَت ن آرِّي وُشَا ذِ أَمَزُورُو اِ كَنِيُو. ¹³مِيزِي وَا رِ ذِ اوم نُورِي وُلا ذِ اِشْت ن تَمَسَلَاشَت مَعِير مِين تَقَّارَم وُشَا عَاوَد تَفْهَم، اِوَا سَيِّتَمِغ اَذِ تَفْهَم اَل اَنْكَارُو، ¹⁴اُم مَامَش عَاوَد تَسَم زَايِنَغ دُرُوس، بَلِي آقَا-نَغ ذِ اسْمَعَار نَوْم، اُمُو عَاوَد كَنِيُو ذِ اسْمَعَار نَغ ذِك وَا س ن سِيذِي يَشُو. ¹⁵ذِي لَامَان-ا ثُوغَا خَسَغ اَذِ غَارُوم-دِ اسغ زِيَش، جِيْمَا اَذِ غَارُوم ثِيَلِي اِشْت ن تَمُوشِي ن نِيَعْمَت اِ ثَوَالَا تَضْنِيَت ¹⁶وُشَا ثُوغَا كَنِيَغ اَذِ عَدُوغ خ تَنْذِيَنَت نَوْم غَار مَاسِيذُونِيَا، جِيْمَا اَذِ غَارُوم-دِ عَقْبَغ عَاوَد زِي مَاسِيذُونِيَا، جِيْمَا كَنِيُو اَذِ اِي تَسَقَبْضَم غَار يَاهُودِيَا. ¹⁷مَا لَامِي ثُوغَا عَوْلَغ اَذِ كَنَغ مَان أَيَا، مَا قَلَقَغ؟ نِيَغ مِين خَارَصَغ اَذِ ت كَنَغ، مَا خَارَصَغ ت عِلَا حَسَاب أَيَسُوم، اَخْمِي ذِ 'وَاه-وَاه' اِنُو ذِ 'لَا-لَا'؟ ¹⁸آقَا آرِّي ذِ اَصْدِيَق اِيَلَا، اَوَال نَغ اِ كَنِيُو وَا رِ اِلِي 'وَاه' وُلا ذِ 'لَا'. ¹⁹مِيزِي مِيس ن آرِّي، يَشُو لَمَسِيح، وَتِي اِ زِي اِنُوَابَرَح جَارُوم زَايِنَغ، زَايِي ذِ زِي سِيَلْبَانُوس ذِ زِي تَمُوشِيُو، آقَا نَتَا وَا رِ اِلِي ذِ 'وَاه' وُلا ذِ 'لَا'، مَاشَا 'وَاه' ذَايس اِيَلَا. ²⁰مِيزِي مَشْحَال مَان لُوْعُوذ ن آرِّي اِ اِلَان، آقَا ذَايس اِلَا ذِ 'وَاه'، خ وُيُنِي زَايس عَاوَد اِلَا ذِ 'أَمِين' اِ وُعُولِي ن آرِّي. ²¹وَتِي ذِ اِنَغ اِضْمَن اَكِيذُوم ذِي لَمَسِيح وُشَا اِذْهَن اِنَغ، نَتَا ذِ آرِّي، ²²وَتِي اِكْنِيَن خَانغ عَاوَد اَشْمِيع نَس وُشَا اِوَشَا اِنَغ اِرُوح ذِ لَعَارُوبُون ذِك وُلاون نَغ. ²³مَاشَا نَش تَلَاغِيغ آرِّي ذِ اَشْهَاد خ لَعْمَار اِنُو، وُيُمِي ثُوغَا-يِي ذِ اَحِين خَاوم، لَامِي وَا رِ دِ وُسِيغ ثَاوَالَا تَضْنِيَت غَار كُورِنِشُوس. ²⁴وَا رِ اِلِي خَنِي مَاحْنَد اَذِ نَصَلَط خ لَائِمَان نَوْم، مَاشَا نَشِين ذِ اِخْدَامِن اِ لَفْرَا حَت نَوْم، مِيزِي زِي لَائِمَان تَبْدَم تَمَشَم.

2 اذِكَّا آقَا كَنِيَغ ت، آقَا وَا رِ غَارُوم-دِ وُسِيغ ثَاوَالَا تَضْنِيَت س وَشْضَان. ²مِيزِي مَالَا زَعْمَا نَش سَقُوكَمَغ كَنِيُو، وِي خَنِي ذِ اِي اِ غَا اِسْفَار حِن مَعِير وَتِي اِ ذِي كَنِيَغ اَفُوكَمَغ؟ ³وُشَا وُريغ اوم-دِ نِيَشَان مَان أَيَا، جِيْمَا نَش، خَمِي اِ دِ غَا يَاوَضَغ ذِين، وَا رِ تَوَاسْتُوكَمَغ شَا زَك اِنِي اِتْخَصَا اَذِ زَايسِن فَارْحَغ. آقَا تِيَقَغ ذَاوِم مَارَا، بَلِي لَفْرَا حَت اِنُو، آقَا-ت ذِ لَفْرَا حَت نَوْم مَارَا. ⁴مِيزِي نَش وُريغ اوم-دِ ذِي لَحْصَارْت تَمْغَار اَطَّاس وُلا س وُل يَارْجَفِن وُ س وَا طَّاس ن اِمْطَاون، وَا رِ اِلِي جِيْمَا اَذِ تَفُوكَمَغ، مَاشَا جِيْمَا اَذِ تَسَم تَائِرِي اِ غَارِي اِ كَنِيُو س وُفِيض.

سماحتِ اِ وُمدنوبِ

⁵ ماشا مالا ذين وِتي اِسْفُوكْمَن، نَتا وار ذ اِبي اِسْفُوكْمَ واهَا، ماشا - زك اِج ن وُغزْدِيس ماحنذ وار ث قَارغ س جَهْد - اِ كَنبِو مارا. ⁶ شفا ياس اِ وائينا، اَقا اَزِين اَمَقْران زَايُوم ثُوغا اِوَبِخ اِث، ⁷ اَمُو خَنِي اِتْخَصْ اُوم لَحُو اَذ اس نَسامحُم وُشا اَذ خاس نَفْوَجَم، حِيما وار خاس يارَنِي وُفُوكْم اَل اَنكَارُو. ⁸ خ وُيَنِي زاوَكغ كَنبِو ماحنذ اَذ اس نَسْتَبْتَم ثايري، ⁹ مِينزِي عاوذ اِ مان اِيا وُريغ اُوم-د، حِيما اَذ سَنغ مامَش اِلا لُخاضار نُوم، ما نَطْاعَم ذِي مارا. ¹⁰ وِتي وُمي نَسامحُم، نش عاوذ اَذ اس سامحغ. مِينزِي مالا ثُوغا ذين خ مِيخف سامحغ، مِيخف وُمي سامحغ، سامحغ ث ذِي طَوغ نُوم قِيبالْت اِ وُذَم ن لَمَسِيح، ¹¹ حِيما خَنِي شَيْطان وار ذائِنغ اِضْماع، مِينزِي وار نَجْهَل اِخارِيسن نَس.

اِمَسْخارنِ اِ لَعاهذِ ن جَذيدِ

¹² خَنِي لامي د اِوُضغ غار نُرُوواس حِيما اَذ بارحغ س لُخبار اَصْبَحان ن لَمَسِيح وُشا نُتورزم اِبي-د ثوارث ذِي لَمَسِيح، ¹³ ثُوغا وار اَرِيحغ شا ذِي اَرُوْج اِنُو، مِينزِي وار وُفِيغ شا وُما ثِيئوس. ماشا مَسْبُضِيغ خاسن وُشا وُيُورغ غار ماسِيذونيبا. ¹⁴ ماشا اَقا ذِي اِ اَرَبِي وِتي ذ انغ-د اِتاوِين اَغْلَب ذِي لَمَسِيح لَبدا وُشا اِسْشان زانِنغ لَفواحث ن ثُوسنا زايِس ذِي مارا اِمُوشان. ¹⁵ مِينزِي اِ اَرَبِي نلا ذ اِسْث ن لَفواحث اِسْشان ن لَمَسِيح اِ اِنِي اِ غا اِتواسنَجمن وُشا اِ اِنِي اِ غا اِتواهلَكَن، ¹⁶ اِ ذَكَا ذ صاه ذ اَرِيحث ن لَمُوث اِ لَمُوث وُشا اِ ذَكِين ذ لَفواحث ن ثُوذارث اِ ثُوذارث. ماشا مان ون ذ اس اِقْدن اِ شوق-ا؟ ¹⁷ مِينزِي وار نَلِي اَنْشُث وُبارُو اِنِي اِتْسَبابن س واول ن اَرَبِي، ماشا نَسبُول ذِي لَمَسِيح س لَصفايْث اَمْشناو زِي اَرَبِي قِيبالْت اِ اَرَبِي.

3 اما اَذ نَبْذا تاوالا نَضْبِي اَذ نَسْمغار ذَك اِخف نَغ نِيغ نَحْذاج، اَم شا نَضْبِي، ثيبرائين ن وُوصِي اِ كَنبِو نِيغ ثيبرائين ن وُوصِي زايُوم؟ ¹ اَقا كَنبِو ذ ثابرات نَغ اِ يوران ذَك وُلاون نَغ، اِتْواسن وُ اِتْواسنارن زك اِوُذان مارا، ² اَم ثَملام بَلِي اَقا كَنبِو ذ ثابرات ن لَمَسِيح اِ اِتْواكَن زِي لُخدمْث نَغ، ثابرات يوران، وار ثَلِي س سَمخ ماشا س اَرُوْج ن اَرَبِي اِذارن، وار ثَلِي ذِي ثَلويجِين ن وُزُرُو ماشا ذِي ثَلويجِين ن وِسُوم ذَك وُلاون. ³ اَقا غارِنغ تِيَقْث-ا ذِي اَرَبِي زِي لَمَسِيح. ⁴ وار نَزْمار س اِخف نَغ اَذ نَحْسب شا ن لُحاجت اَحْمِي د ثُوسا زانِنغ، ماشا ثِيَزْمار نَغ ثُوسي-د زِي اَرَبِي، ⁵ وِتي د انغ يارِن ذ اِمَسْخارنِ اِ لَعاهذِ ن جَذيدِ، وار اِلي ن لُحارف، ماشا ن اَرُوْج، مِينزِي لُحارف اِنَق، ماشا اَرُوْج اِسْندار.

أَعُوْلِي ن لِعَاهَد ن جَدِيْد

7 وُشَا مَالَا تُوْعَا لَخَدْمَت ن تُسَخَّارَت ن لُمُوْت | اِتْوَاخْبَشَن س تِيْرَا ذَكْ اِزْرَا س وَاَنْشَت
 وُعُوْلِي مَاحَنْدُ تَارْوَا ن اِسْرَائِيْل وَاَر زَمَارَن اَذ سَوْضَن غَار وُذَم ن مُوسَى خ سَيِّبَت ن
 وُعُوْلِي ن وُغَمْبُوْب نَس، وَاخَا اَعُوْلِي نِّي اِعْدُوْن،⁸ مَشْحَال كَثَار | غَا ثِيْلِي تُسَخَّارَت ن
 اَرْوَح ذَكْ وُعُوْلِي؟⁹ مِيْنَزِي مَالَا تَاسَخَّارَت | اِنْدَهْن غَار لِحِيْسَاب تُوْعَا-ت س وُعُوْلِي،
 مَاهُو عَاذ تَاسَخَّارَت | اِنْدَهْن غَار تُسَكَّلْدَا اَذ د تَاوِي اَعُوْلِي اَل اَفِيض. ¹⁰ اَمُو، اَقَا مِيْن
 اِلَان اِتْوَاَسْعُوْلَن، وَاَر اِتْوَاَسْعُوْلِي شَا ذَكْ وُذَم ن وُعُوْلِي-يَا | خَاس اِعُوْلَن. ¹¹ مِيْنَزِي مَالَا
 مِيْن اِعْدُوْن تُوْعَا غَارَس اَعُوْلِي، مَاهُو مِيْن اِقِيْمَن اَذ غَارَس يِيْلِي وُعُوْلِي. ¹² س وُيْنِي،
 مَالَا غَارَنْغ اَسِيْثِم اَم وَايْنِشَا، خَتِّي نَسَاوَال س وَاطَّاس ن ثْرِيَاَسْت، ¹³ وَاَر نَتَكْ شَا اَمَشْنَاو
 مُوسَى، وَتِي اِكَيْن لَثَام خ وُذَم نَس مَاحَنْدُ تَارْوَا ن اِسْرَائِيْل وَاَر سَكْوَضَن شَا غَار وُنَكَّار
 ن مِيْن اِغَا اِعْدُوْن. ¹⁴ مَاشَا اِحَارِيصَن نَسْن دُوْلَن قَسْحَن، مِيْنَزِي اَل اَس- اِنْعِيْمَا لَثَام ذ
 اِحْن خ تِيْعَرِي ن لِعَاهَد اَقْدِيْم نَبَلَا مَا اَذ اِتْوَاكْس، مِيْنَزِي اَذ اِتْوَاقَلَع ذِي لَمَسِيْح. ¹⁵ مَاشَا
 اَل اَس-ا، خَجِي اِ ذ غَا غَارَن زِي مُوسَى، لَثَام اَقَا-ت خ وُل نَسْن، ¹⁶ مَاشَا خَجِي اِ د
 غَا اِذُوْل حَد غَار سِيْذِي، لَثَام اَذ اِتْوَاكْس. ¹⁷ اَقَا سِيْذِي ذ اَرْوَح وُشَا مَانِي اِلَا اَرْوَح ن
 سِيْذِي، اَقَا ذِيْن ثِيْلَلِي. ¹⁸ وُشَا مَارَا نَشِيْن، اِنِّي س وُغَمْبُوْب وَاَر اِلْحَفْن اَخْمِي نَخْرَار
 اَعُوْلِي ن سِيْذِي اَخْمِي ذِي تِيْسِيْت، اَقَا نَتْوَابَدَل زَكْ وُعُوْلِي غَار وُعُوْلِي غَار صِيْفَت ذ
 اِشْتَن س اَرْوَح ن سِيْذِي.

لِكُنُوْز ذِي لِقَشُوْع ن تَلَاخْت

4 اِخ وُيْنِي وُيْمِي غَارَنْغ لَخَدْمَت ن تُسَخَّارَت تْنِي | اِذ اِنْع اِتْوَاكْن زِي اَرْحَمْت، وَاَر
 نَخْسَار شَا وُلاوْن، ² مَاشَا اَقَا نَنْضَار تِيْمَسْتَلَايِيْن اِنُوْفَارَن اِسْتَحْشِيْمَن، وَاَر نَكُوْر شَا
 س ثَحْرَايْمَشْت وُ عَاوْذ وَاَر نَتْرُوَار شَا اُوَال ن اَرْتِي، مَاشَا، اَم نَارَزَم تَاوَارْت ن تِيْدَت،
 اَقَا نَتْوَصَّا اِخْف نَعْغ اِقَاع تَانْفَسَشْت ن اِوْذَان زَات | اَرْتِي. ³ مَاشَا مَالَا لِحْبَار اَصْبَحَان
 نَعْغ عَاذ اِنُوْفَار، اَقَا اِنُوْفَار خ اِنِّي اِغَا اِوْدَارَن، ⁴ اِكَاْفِرِيوْن اِنِّي اِسْدَارْغَل اَسْن اَرْتِي ن يِيْضَا
 لِعَقْل نَسْن، حِيْمَا خَتِّي وَاَر خَاسَن ثَارَق طَيَّا ن لِحْبَار اَصْبَحَان ن وُعُوْلِي ن لَمَسِيْح وَتِي
 اِلَان ذ صِيْفَت ن اَرْتِي. ⁵ مِيْنَزِي وَاَر نَتْبَارْح شَا اِخْف نَعْغ، مَاشَا سِيْذِي يَشُو لَمَسِيْح وُ
 نَشِيْن س اِخْف نَعْغ ذ اِسْمَعَان نُوْم ذِي طُوْع ن يَشُو. ⁶ مِيْنَزِي اَرْتِي ذ وَتِي اِنَان ”اَذ نَتْقَار
 نَفَاوْت زِي تَالَسْت“، اَقَا ذ وَتِي اِسْرُوْعَان وُلاوْن نَعْغ، حِيْمَا اَذ اِنْع اِسَارْغ س ثُمُوْسَا ن
 وُعُوْلِي ن اَرْتِي ذَكْ وُذَم ن يَشُو لَمَسِيْح.

7 ماشا غارنغ لکنز-ا ذِي لَقَشُوع ن ثَلاخث، حِيما حَنِّي اُمُوْمُو ن جَهْد اذ يَلِي ن اَرِّي، وار اِلِّي زايِنغ، 8 حَنِّي اَقَا نَتَوازِييَار ذِي مارًا، عاذ وار نَتَواحِصَار شا، اَقَا-نغ ذِي لَحِيْرَا ماشا وار نارخو شا زَكُّ وُسيْم، 9 ذَارَشَن خانغ ماشا وار نَتَوَاجِ ذِيْنِي وِحدَنغ، اَقَا نَتَوَاهَتَك ماشا وار نَتَوَاهَلَك. 10 اَقَا نارَبُو لَمُوْث ن سِيْذِي يَشُو لَبْدَا ذِي اَرِيْمَث، حِيما وُلا ذ تُوذارْت ن يَشُو اذ تَتَوَاسَّضَهَار ذِي اَرِيْمَث نَغ. 11 مِيْنَزِي نَشِيْن، اِنِّي اِدَارِن، اَقَا نَتَوَاسَلَم لَبْدَا ا لَمُوْث ذِي طَوْع ن يَشُو، حِيما حَنِّي تُوذارْت ن يَشُو اذ تَسَّضَهَار ذَكُّ وِيسُوْم نَغ اِتْمَتَان. 12 اُمُو حَنِّي لَمُوْث نَحْدَم ذايِنغ، ماشا تُوذارْت ذايُوْم. 13 ماشا اَم غارنغ اَرُوْح ن اِلِيْمَان ذ اِحَّ اَم مامَّش ثورا ”اَقَا وُمنغ، خ وُيْنِي سَوُلغ“، اَقَا نَتامِن نَشِيْن عاوْذ، خ وُيْنِي نَسْاوَال عاوْذ. 14 نَسْن بَلِي وِنِي اذ اِسْنَكَارِن سِيْذِي يَشُو، اذ انغ اِسْنَكَار عاوْذ اَك-ذ يَشُو وُشا اذ انغ اِكَّ اَكِيْذُوْم زائِس. 15 مِيْنَزِي مارًا ثِيْمَسَلايِن-ا تَوَاكْت ذِي طَوْع نوْم، حِيما اذ ثارنِي نِيْعَمْت ا واطاس، وُشا اذ اِدُوْل وُفِيْض ن وُقَاذِي ا وُغُوْلِي ن اَرِّي.

16 خ وُيْنِي وار نَحْسَار شا وُلاون، واخا اَمِّي بِنادَم نَغ ن بارًا اِنَوَاهَلَك، اَقَا بِنادَم ن ذاخل اِذاكُوَال ذ جَزِيْذ زَكُّ واسَّ غار وُنْضِي. 17 مِيْنَزِي لَحْصَارْت اِفْسُوْسِن ن وارماش ن وابيليو، ثتاوِي انغ-د اِحَّ ن لَقْد ن وُغُوْلِي ا اِكْاعَدَن مارًا س واطاس ا لَبْدَا، 18 اَم وار نَحْسَب شا مِيْن اِنْتالان ماشا مِيْن وار اِتوِيلِيْن، مِيْنَزِي مِيْن اِنْتالان اَقَا ا اِشْت ن لُوْقْت وَاها، ماشا مِيْن وار اِتوِيلِيْن اَقَا-ث ا لَبْدَا.

ثازدِيْغْت نَغ ذَكُّ وُجَنَّا

5¹ مِيْنَزِي نَسْن، بَلِي، حُوي ا غا ثتوارْدَل وُفِيْضُوْن نَغ ا ذِي نَزْدَغ ذايِنْتَا ذِي ثَمُوْرْت، اذ غارنغ يَلِي اِحَّ ن لَثِيْنِي ن اَرِّي ا لَبْدَا ذَكُّ وُجَنَّا، اِشْت ن نَاذَارْت وار ثتواكَّ شا س اِفاَسْن. 2^خ مان اَيَا نَزَهَار، اَم ذايِنغ مَزْرِي حِيما اذ نَتَوايَارِض س نَزْدِيْغْت نَغ نَبِّي اِلَان زَكُّ وُجَنَّا. 3^ماعليْكَ قاع ا غا نِيْلِي نِيَارِض، وار اِلِّي ذ اعريانِن. 4^م مِيْنَزِي وُلا ذ نَشِيْن، اِنِّي اِرْدَعِن ذَكُّ وُفِيْضُوْن، اَقَا نَزَهَار اَحْمِي خانغ صَقْل، مِيْنَزِي وار نَحْس اذ نَتَواعارًا ماشا نَحْس اذ نِيَارِض، حِيما مِيْن اِفْتان اذ اِنْتاِصَارْذ زِي تُوذارْت. 5^و نِي اذ انغ-د اِسْوجْدِن ا مان اَيَا ذ نَتَا ذ اَرِّي وِنِي اذ انغ اِوشِيْن اَرُوْح ذ لَعارَبُوْن.

6^خ وُيْنِي غارنغ تِيْقْت لَبْدَا، واخا نَسْن حَنِّي مِيْن غا نَكُّ نَزْدَغ ذِي اَرِيْمَث، اذ نِيْلِي نَكْوَج خ سِيْذِي، 7 مِيْنَزِي س اِلِيْمَان ا نَكُوْر، وار اِلِّي س مِيْن اِتبانِن. 8 ماشا

نَتِیقًا وُشا ذائِغ مَزْرِي، مَلِي نُوفَا، ماحنذ اذ نسمح ذي اَرِيْمَث جِیما اذ نذغ اَك-ذ سِیْذِي. ⁹ خ وُيِّي نَتَشَطَّار ذائِغ مَزْرِي جِیما اذ اس اَرْضَان، مَّا نَلَّا ذِي نَادَارِث نِیغ نَكَّوَج خ نَادَارِث. ¹⁰ مِیْنَزِي اِنْخَصَّ اَنْع مَارًا اِذْنَع اذ نَضْهَار زَاث اِ لَكُورِیسی ن لَعَارِش ن لَمَسِیْح، جِیما كُول اِجَن اذ اِطْف علاْحَسَاب مِیْن اِكَّا لَامِی ت ثُوغَا ذِي اَرِيْمَث، ثُشُونِي نِیغ ثُوغَفْنَا.

ثاسخارث ن وصلاح

¹¹ اَم نَسَن خَنِّي ثِيكُوْذِي ن سِیْذِي، اَقَّا نَسَقْنَع اِوْذَان، ماشا غار اَرِّي اَقَّا نَشِين نَتَوَاسَن غَارَس وُشا سَتِیْمِغ اَقَّا نَتَوَاسَن غَارُوم عاوْذ ذِي ثُنْفَسْث نَوْم. ¹² وار نَتَوَصِّي شا اِخْف نَع ثاوالا نَصْنِي، ماشا اذ اوم نَوْش لَفُورِصَا اِ وُسْمَغَار ذائِغ، جِیما اذ غَارُوم يِلِي مامَّش د غا تَارْم خ يَنِّي اِسْمَغَارَان ذِي مِیْن اِتْبَانَن، وار اِلِّي ذِي مِیْن اِلَان ذَكَّ وُل. ¹³ مِیْنَزِي مالا ثُوغَا نَتَخَلْف اَقَّا مان اَيَا اِ اَرِّي، مالا ثُوغَا-نغ س لعقل اَقَّا مان اَيَا اِ كَنِيو، ¹⁴ مِیْنَزِي ثَايْرِي ن لَمَسِیْح ثَعَارَن اَنْع، خَنِّي نِیوِض-د غار مان اَيَا: مالا اِجَن اِمُوث خ مَارًا، اَقَّا مَارًا ثُمُوث. ¹⁵ اَقَّا نَتَا اِمُوث خ مَارًا، جِیما اِنِّي اِدَارَن، وار دَارَن شا عاْذ اِخْف نَسَن، ماشا اِ وَنِّي اِمُوثَن وُلا اِ وَنِّي د اِتَوَاسَنكَارَن اِ نِیْشِي.

¹⁶ اَمْنِي زِي سَا د نَسَاوَت وار نَسِين شا وُلا ذ اِج علاْحَسَاب اِیْسُوم. مالا ثُوغَا نَسَن لَمَسِیْح علاْحَسَاب اِیْسُوم، لَخَذَنِّي وار اِیْلِي عاْذ اَمُو لُخُو. ¹⁷ خ وُيْنِي مالا حد ذِي لَمَسِیْح اِ اِلَّا، اَقَّا نَتَا اِتَوَاخَلَق-د جَزِیْد، خَنِّي مِیْن اِلَان ذ اَقْدِیْم اِعْدُو، خَزَار، اَقَّا مَارًا اِذُول ذ جَزِیْد. ¹⁸ وُشا مَارًا مان اَيَا يُوْسِي-د زِي اَرِّي وَنِّي اِ ذ انغ اِسْصَلَح اَكِیْذَس س لَمَسِیْح وُشا اِوْش اَنْع لَخَدْمَث ن ثَسْخَارِث ن وصلاح، ¹⁹ مِیْنَزِي اَرِّي ثُوغَا اِسْصَلَح دُوْنِیْث اَك-ذ اِخْف نَس ذِي لَمَسِیْح ذِي مَانِي وار د اسن اِخْسِیْب شا اِخْطَان نَسَن وُشا اِسَارَس ذائِغ اَوَال ن وصلاح.

²⁰ اَمُو اِ نَلَّا ذ اِمَسْكَان ن لَمَسِیْح اِخْمِي ثُوغَا اَرِّي اِزاوَكْ خَانِغ س يِیْسَم ن لَمَسِیْح، رُوحَم اذ اِتَوَاصَلَحَم اَك-ذ اَرِّي. ²¹ وَنِّي وار اِسِينَن شا دَانَب، اِكْ اِث ذ دَانَب اِ نَشِين، جِیما اذ نَذُول ذ ثاسْكَذَا ن اَرِّي ذایس.

6 اَقَّا نَشین، اَم کِیس نَحْدَم، نَزاوک کَنیو جِیما وار تَقَبَلَم شا نِیَعَمث ن اَرَبی باطل،² مینزې اِقَار ”ذې لوقْت ن اَرْضا سَلِیغ اش وُشا دَکْ واس ن وُسْنَجْم وُسِیغ-د ماحنْد اَذ شک عاونغ“، خُزار، اَقَّا ذَا لَحُو ذ لوقْت ن اَرْضا، خُزار، اَقَّا ذَا لَحُو ذ اَس ن وُسْنَجْم.

ثامارا ذ لحساراث اِ ذ اِکین خ بُولوس

³ وار نِیِشْ شا تاسِیغ عَمَارص ماحنْد اَذ خانغ کَسین لَعِیْب، جِیما وار اِتْوَاشَقَف ذې لَحْدَمث ن تُسَخارْت نَع،⁴ ماشا ذې مارا نَتَوَصا اِخف نَع اَمَشْناو اِمَسَخارن ن اَرَبی: دَکْ واطاس ن صَبار، ذې لَحْصارْت، ذې لَعْبِن، ذې صَمِقات،⁵ ساذو ثِیْبِیْنا، ذې لَحْبوساْت، دَکْ وُغُووْغ، ذې ثامارا، ذې لِبالی نَبْلا اِضص، دَکْ وُساَن ن وُزُوْمی،⁶ ذې لَصْفایْث، ذې ثُموسنا، ذې تاسِیغ ن لَحْضار، ذې لَضرافْت، ذې اَرُوْح اِقْدَسْن، ذې ثاِیْرې نَبْلا نِیْفاق،⁷ دَکْ واول ن ثِیْدت، ذې جَهْد ن اَرَبی، س لسناح ن تُسْکْذا غار وُفُوْسِی ذ وُزُلْماض،⁸ س وُغُوْلې ذ دَل، س شَنْعْت ناعْفانْت وُ س شَنْعْت ثاصْبَحانْت، اَمَشْناو اِغْکُوْاِین وَاخا اَمْنِی ذ اِمِثْقِن اِ نَلّا،⁹ وار نَتَوِیْسِن وَاخا اَمْنِی نَتَواَسْن، نَتَمْتا وَاخا اَمْنِی اَقَّا نَدار، نَتَوارِبّا س وُسْقَساح وَاخا اَمْنِی وار نَتَوانغ شا،¹⁰ نَفُوکْم وَاخا اَمْنِی نَفارح، ذ اِمْزِلاض اِ نَلّا وَاخا اَمْنِی اَقَّا نَتَجار اَطاس ن اِوْذان، وُشا وار غارنغ شا وَاخا اَمْنِی اَقَّا غارنغ کُولِیْشِی. ¹¹اَقْمُوْم نَع اِنُوْرزْم اِ کَنیو، ا اِکُورِیْنِیْئِیْن، وُل نَع اِمِغار اَطاس،¹² کَنیو وار نَتَواَحْصارْم زانِیغ، ماشا نَتَواَحْصارْم س ذاخل نوم. ¹³لَحُو اَرْم-د س کِیْفِکِیْف، اَقَّا سَواوَلغ اَحْمِی سَواوَلغ اَک-ذ اِحْنَجِیْرِن، سَوسَعَم اِخف نوم.

وار ثَمونم شا دَکْ وُزایلو اِفارغن اَک-ذ لَکُوْفار

¹⁴ وار ثَمونم شا دَکْ وُزایلو اِفارغن اَک-ذ لَکُوْفار، مِیْنزې مان اَشْراش اِ غار ثَلّا غار تُسْکْذا اَک-ذ مِیْن اِلان صِیْد ن تاوْراْت وُشا خِئِی مان ثامونْت اِ غار ثَلّا اِ نَفاوت اَک-ذ ثالْسْت؟ ¹⁵مان اَرُواس جَار لَمْسِیْح ذ بَلِیْيار (=شَیْطان) نِیْغ مان ثاشْعارْت ن لَمُوْمِن اَک-ذ وُکافِرو؟ ¹⁶نِیْغ مان ثاشْغونْت اِ ذِیْن جَار ثادارْت اِقْدَسْن ن اَرَبی ذ لاصنما؟ اَقَّا نَشِیْن ذ ثادارْت اِقْدَسْن ن اَرَبی اِدَارِن، اَم مامَش اِنّا اَرَبی ”نَش اَذ ذذغغ وُشا اَذ وُیورغ جاراَسْن وُشا اَذ اِلِیْغ ذ اَرَبی نَسْن، نِیْشِیْ اَذ اِلِیْن ذ اَیْذُوْذ اِنُو.“¹⁷ خ وُیْنِی ”فَعْم-د زِی لَوْسَط نَسْن، بَضام خاسن“، اِقَار سِیْذِی وُشا ”وار تَحْذاذام مِیْن اِلان ذ اَمْنِکُوْس“

وُ "نش اذ كنيو قبلغ¹⁸ وُ نش اذ اوم ايلغ ذ باباثوم، كنيو اذ ابي ثيليم ذ اِحنجيرن ذ يسي"، اِقار سيذي وني ذ اَمزمار خ كوليثي.

7^ا اِمعيزن، اَلامي غارنغ لُوغوذ-ا، جَم اَنغ اذ نسيذك اِحف نغ زي مارا لَحْمَج ن ويسوم ذ اَرُوح، اذ نكَمَل ناقداسث نغ اَم نكور ذي ثيكنوذي ن اربي.

لِفراحت ن بُولوس

²حَم اَنغ اَمشان. وُلا ذ اِح وارت نشميث، وُلا ذ اِح وارت نغش، وُلا ذ اِح وارت زَايس نَسْتَفِيح اِيزي نغ. ³وارث قارغ جِما اذ خاوم حَكَمغ، مِينِزِي اِزارغ نِغ، اَقَا كنيو ذك وُل نغ ماخذ اذ نَمْت جَمِيع وُشا اذ نَدَار جَمِيع. ⁴تَيْقَث اِنُو ذَايُوم تَمغار وُشا اَسْمِغار اِنُو خاوم اِمغار. اَقَا-يِي شُورغ س وُفُوج، اَقَا لِفراحت تَفِيض ذَايِي ذِي كوليثي لِحْصَارْت نغ.

⁵مِينِزِي لامي د نوسا غار ماسيدونيا، ايسوم نغ وار يوفي شا اراحث، ماشا ثوغا نَسْحِيصِيَف زي مارا اِغْزِديسن، زي بارا اَقَا ذين اِمشوبشن، زي داخل اَقَا ذين ثيكنوذي. ⁶ماشا اربي، وني اِسْفُواجن خ اِمواضعن، اِسْفُوج-د خانغ س ثوايسث ن ثيئوس، ⁷وار ايلي س ثوايسث نس واهما، ماشا عاوذ س وُفُوج اِ زي ثوغا نَتِواَسْفُوج زَايس اِكِيذُوم، وُمي ذ اِنغ اِسارَكَب خ مَزْرِي نِوم ذ وشضان نِوم ذ شضارث نِوم خافي اَل ذ ذولغ اربنغ ذي لفراحت عاذ كثار. ⁸مِينِزِي، واخا سْفُوكَمغ كنيو س ثبرات اِنُو، وار نذيمغ شا، واخا اَمَنِي نذمغ. اَقَا زَرِيغ بلي ثابرات ني تَسْفُوكَم اِكنيو، ماشا تَعْدُو ذغيا. ⁹لِخُو فارغغ، وار ايلي لامي نَتِواَسْفُوكَم، ماشا وُمي اَفُوكَم يارا كنيو غار ثوبث، مِينِزِي ثُوكَمغ علاحساب لِحْصَارْت ن اربي، جِما وُلا ذ اِشْت ن ثَحْسَارْت وار كنيو تَلَقَف شا زَاينغ ذي شا ن ثَمْسَلَاشْت. ¹⁰مِينِزِي اَفُوكَم وني اِلان علاحساب لِحْصَارْت ن اربي، اِنده غار ثوبث اِ اِتاوين غار وُسْنِجَم اِ وار خ اِنْدَم شا، ماشا اَفُوكَم ن دُونِث اِتاوي غار لَمُوث. ¹¹ماشا خزار، مِين كنيو اِسْفُوكَمْن ذي طوع ن اربي مشحال اِكنيو اِتْجَان ن شضارث ذ وُذافع ن بيخف نِوم ذ وارزَام ن وُقْمُوم ذ ثيكنوذي ذ مَزْرِي ذ ثُوشمي ذ وُوبِج! ذي مِين ذي مَّا اِفْع-د اَقَا كنيو س اِحْف نِوم ذ اِمزداكْ ذي ثَمْسَلَاشْت-ا. ¹²خ وُيْنِي واخا وُريغ اوم-د، وار ايلي خ سَيِث ن وني اِحْطَان نِغ خ سَيِث ن وني وُمي اِ ذي اِتاوكْ لَعِيب، ماشا جِما اذ خاوم ثَبان شضارث نغ

ثَيِّ غَارَنغِ اِ كَنِيو زَاث اِ اَرَبِي. ¹³ خِ وُيَيِّي اَقَا نَتَوَا سَفَوَجِ سِ وُفَوَجِ نَوْمِ وُشَا اَقَا نَفَارَحِ سِ وُفَيِّضِ زِي لَفْرَا حَتِ نِ ثِيثُوسِ وُويِ اَرُو حِ نَسِ اِنُوَا سَارِيحِ زَايَوْمِ مَارَا. ¹⁴ مِينِزِي مَالَا سَمَغَارِغِ ذَايَوْمِ شَوَايِثِ غَارَسِ، اَقَا وَا رِ تُوَا سَحْشَمِغِ شَا، مَاشَا اَمِ ذَا اَوْمِ نَنَا مَارَا ثِيذَتِ اَمُو عَاوُذِ اَسْمَغَارِغِ غَارِ ثِيثُوسِ اَقَا اَفْغِ-دِ ثِيذَتِ. ¹⁵ اَقَا ثَا حُنُونِشَتِ نَسِ خَاوَمِ ثَمَارِنِي اَطَّاسِ وُويِ اِنْفَكَارِ ذِي طَّاعَتِ نَوْمِ مَارَا، ذَا مَامَشِ ثِ ثَقْبَلَمِ سِ ثِيكُوُذِي ذَا ثَارِجِيحِيثِ. ¹⁶ فَا رَحْغِ وُويِ زَمَارِغِ اَذِ خَاوَمِ تَشَلِغِ ذِي مِينِ ذِي مَا.

اَسْمُونِي نِ صَدَاقِي اِ اِمْقَدَّاسِنِ ذِي وُرْشَالِيْمِ

8 اِ حَنِّي، اُ اَوْمَاثِنِ، نَسَارَكْبِ اِ كَنِيو نِيَعْمَتِ نِ اَرَبِي اِ اِمُو شِنِ اِ ثَمْسُمُونِيْنِ ذِي مَاسِيذُونِيَا. ¹ وُويِ خَاسِنِ اِكَا وُقَلْبِ نِ لِحْصَارَتِ، ثَفِيضِ لَفْرَا حَتِ نَسِنِ وُشَا وُويِ ذَايَسِنِ زَلْضِ يُولِغِنِ، يَارِنِي عَاذِ سِ وَا طَّاسِ اِ وَاكْرَا نِ تَشْرِيْمَتِ نَسِنِ، ³ مِينِزِي شَهْدِغِ، بَلِي نِيثِنِي طَوَعِنِ عِلَا حَسَابِ جَهْدِ نَسِنِ وُشَا حَنِّي سَنَجِ اِ جَهْدِ نَسِنِ، ⁴ وُشَا زَاوَكْنِ اَنِغِ سِ جَهْدِ مَاحْنَدِ اَذِ نَقْبِلِ ثَا شْرِيْمَتِ ذَا تَشْرِيْمَتِ نَسِنِ ذِي لُحْدَمَتِ نِ ثَسْخَارَتِ غَارِ اِمْقَدَّاسِنِ. ⁵ وُشَا نِيثِنِي وَا رَكْنِ مِينِ ثُوغَا نَسِيْثِيْمِ وَا هَا، مَاشَا، سِ ثَمَخْسَا نِ اَرَبِي، اَقَا وُشِيْمِنِ اِخْفِ نَسِنِ اَمَزَوَارِ اِ سِيذِي، حَنِّي وُلا اِ نَشِيْنِ. ⁶ خِ وُيَيِّي نَزَاوَكِ ثِيثُوسِ، اَمَشْنَاوِ مَامَشِ ثُوغَا اِنْدَا قَبْلِ، جِيْمَا اَذِ اِكْمَلِ غَارُوْمِ تَشْرِيْمَتِ-اِ نِ صَدَاقِي عَاوُذِ. ⁷ خِ وُيَيِّي - اَمِ ثَفِيضَمِ ذِي مَارَا: ذِي لَايْمَانِ، ذِكْ وَاوَالِ، ذِي ثَمُوسِنَا، ذِي مَارَا شَضْرَا تِ وُ ذِي ثَايِرِي نَوْمِ اِ غَارَنِغِ اِلَّانِ - حَنِّي فَيِّضَمِ عَاوُذِ ذِي تَشْرِيْمَتِ-اِ نِ صَدَاقِي نَوْمِ.

⁸ وَا رِ سَيُوِيْلِغِ شَا اَمَشْنَاوِ وِي اِتَامَارِنِ، مَاشَا اَرَزُوْغِ اَذِ قَلْبِغِ ثِيذَتِ نِ ثَايِرِي نَوْمِ سِ شَضْرَا تِ نِ اِنْضَنِي. ⁹ مِينِزِي اَقَا نَسْنَمِ نِيَعْمَتِ نِ سِيذِيْتَشِغِ يَشُو لَمَسِيْحِ، بَلِي اِذُولِ ذَا اَمَزُولُضِ ذِي طَوَعِ نَوْمِ، وَاخَا ثُوغَا-تِ سِ وَاكْرَا، جِيْمَا كَنِيو اَذِ ثَنُودَلَمِ ذَا تَوَا جَارِ سِ زَلْضِ نَسِ. ¹⁰ اَذِ وُشِغِ اَرَايِ اِنُوِ ذِي مَانِ اَيَا، مِينِزِي اَقَا ذَا نَفَاعِ اِ كَنِيو مَاحْنَدِ وَا رِ تَكْمِ وَا هَا مِينِ ثِيذَامِ اَذِ تَكْمِ وُ مَزْرَمِ ذِكْ وُ سَكُوَاسِ اِعْدُونِ، ¹¹ مَاشَا عَاوُذِ اَذِ ثِ ثَكْمَلَمِ لُخُو، جِيْمَا، اَمِ مَامَشِ ثُوغَا ذَايَوْمِ مَزْرِي، اَمُو عَاوُذِ اَذِ ثِ ثَكْمَلَمِ عِلَا حَسَابِ مِينِ اِلَّانِ غَارُوْمِ. ¹² مَاشَا مَالَا ذِيْنِ مَزْرِي، اَقَا-تِ اِتَوَا جَبِ عِلَا حَسَابِ مِينِ غَارَسِ، وَا رِ اِلِّي عِلَا حَسَابِ مِينِ وَا رِ غَارَسِ اِلِّي. ¹³ مِينِزِي وَا رِ اِتَلِيْقِ جِيْمَا اَذِ ذِيْنِ ثِيْلِي لِفَسَا سَا تِ اِ اِنْضَنِي وُ حَنِّي جِيْمَا اَذِ خَاوَمِ سَضْخَلِغِ، ¹⁴ مَاشَا جِيْمَا اَذِ يِلِي لَمِيْزَانِ ذِي لُوْقَا-اِ وُشَا اَذِ اِعْمَرِ وُفَيِّضِ نَوْمِ لَعْبِنِ نَسِنِ وُشَا اَفِيضِ نَسِنِ اَذِ اِعْمَرِ لَعْبِنِ نَوْمِ جِيْمَا حَنِّي اَذِ

ييلي لميزان. ¹⁵أم مامّش تُورا ”وتّي اسمُونن اَطّاس، وار د اس اِشطّ شا، ذ وتّي تُوغا اِيارون دُرُوس، وار ذائيس اِقِيم لَخِصص.“
¹⁶ماشاش اَقاَذِي اِ اَرَبِي وتّي اِكْتِن ذَكّ وُل ن ثيُوس شِضارث ذ اِشثن خاوم،
¹⁷مِينِزِي، واخا تُوغا اِنواشَجَع زايي، اَقا يُوسِي-د غاروم زي شِضارث نَس تامقرانت.
¹⁸وُشا نَسك-د اَكيس ناوماث وتّي غار اِلا وُوقار ذِي لَحْبار اَصْبَحان ذِي مارا
 ثيمسُمُونين. ¹⁹وار اِلي ذَكّا واهاش، ماشاش ثيمسُمُونين فارزنت نَتا عاوذ ذ اَمعاشار نَع
 ذَكّ وِبْرِيذ اَك-ذ ثَشْرِيْمث-ا ن صَدَاقِي نَتِي اِنواشِيوضن زايِنغ اِ وُغُولِي ن سِيذِي
 سِيمانت نَس وُ جِيما اَذ اِبان لَخاضار نوم اِصْبَحن. ²⁰اُمُو اِ نَسْبَعذ خ يِخَف نَع
 ماَحَنذ وار ذ انغ اِذَلَم حد مالا نَسيار لمغارث اِفْتِضن ن صَدَاقِي-يا، ²¹مِينِزِي مِين
 ذ انغ اِشقان اَذ اِعْذُو مَلِيح، وار اِلي واهاش قِيبالْت اِ سِيذِي ماشاش عاوذ زَاث اِ اِوْذان.
²²نَسك عاوذ اَكِيذسن وُمانغ، وتّي وُمِي نَقَلَب شِضارث نَس اَطّاس ن نُواوين
 ذَكّ واطّاس ن ثمسلايين وُشا لَحُو اِنشطار كثار مِينِزِي نَتا اِنشال خاوم اَطّاس. ²³ما
 ثيُوس وتّي ذ اَمعاشار اِنُو ذ اَحْدام اَكِيذِي غاروم نيغ ما اِثِمائِنغ، اَقا نِيثِي ذ اِمازانن
 ن ثمسُمُونين وُشا نِيثِي ذ اَعُولِي ن لَمسيح. ²⁴خَتِي سَشْنم اَسن زَاث اِ ثمسُمُونين
 لُبورهان ن ثائِرِي نوم ذ وُسْمَغار نَع ذايوم.

9 مِينِزِي حَسْبِغ بَلِي نَهْلا ما وُرِيغ اوم-د خ لَخْدَمْت ن ثويزا اِ اِمَقْداسن، ²مِينِزِي
 سَنغ تِيْت نوم اِصْبَحن مِيخَف خاوم اِ غا سَمْغارغ جار اِنِي ن ماسِيذُونِييا، بلي
 اَخايا تُوغا ثوجذ زَكّ وُسْكُواس اِعْذُون وُشا شِضارث نوم اَقا سَنفاق اَزِين اَمقران.
³ماشاش سَكْغ-د اومائِن-ا ماَحَنذ اَسْمَغار نَع ذايوم وار اِتِيلِي شا باطل ذِي ثمسلاشْت-ا،
 جِيما اَذ ثِيلِيْم ثَحْرَمَم اَم مامّش نِيغ ⁴ماَحَنذ نَشِين، ماَحَنذ وار ذايوم نَقار، حَمِي
 كِيذِي اِ د غا ياسن شان اِ ماسِيذُونِيين وُشا اَذ كَنِيو اَفن عاذ وار ثَحْرَمَم، وار
 نَتواَسْحَشِيم وُمِي نَتَكّ ذايوم وُسْمَغار وانيثاش اِشْت ن تِيَقْت اِبْدَن نيشان. ⁵خ وُيَنِي
 وُفِيغ اِلا اِنْخِصا اَبِي اَذ زِيارغ خ وَاومائِن تِي، ماَحَنذ اَذ غارون-د اسن ذ اَمزواو وُشا
 اَذ سوجذن قبل لباراكان صَدَاقِي نوم تِي اِ زِي تُوغا ثَتواَعْذَم قبل، جِيما اَذ ثِيلِي
 صَدَقْت-ا غار وُفوس اَم اِشْت ن لباراكا، وار اِلي اَحْمِي ت-يَد كَسن زي ثلمشْت
 نوم. ⁶ماشاش ذَكّا قارغ ”وتّي اِ غا اِزارعن س ثشطارث عاوذ اَذ اِمْجار ثاشطارث وُشا
 وتّي اِ غا اِزارعن س ثَشْرِيْمث، اَذ اِمْجار عاوذ س ثَشْرِيْمث.“ ⁷اَذ اِكّ كُول اِجَن
 اَم مامّش اِنوا ذَكّ وُل نَس، وار اِلي س ثَعْنائْت نيغ س وُغِيل، مِينِزِي اَرَبِي اِتْخَس

وَنِي اِتَيْشَن س لَفْرَا حَتْ 8 وُشَا اَرَّبِي اَقَا اِزْمَار اَذ اوم اِوش نِيَعْمَتْ س وُفِيض، جِيما لَبْدَا وُ ذِي مَارَا اَذ غَاروم يِيلِي مِين ثَحْدَا جِم وُشَا اَذ ثَارِنِم اَطَاس ذِي مَارَا لَحْدَمَتْ اِصْبَحَن، 9 اَم مَامَش ثُورَا ”اَقَا اِبْطَا، اِوشَا اِ اِمزَلَا ض، ثَا سَكْنَا نَس ثَنْغِيْمَا اِ لَبْدَا.“ 10 اَج اَذ يِيلِي وَنِي اِتَيْشَن زَارِيَعْت اِ وَنِي اِزَارَعِن وُلا اَذ اَغْرُوم اِ مَاشَا، اَذ يَارِنِي ذِي زَارِيَعْت نَوْم وُشَا اَذ اِسْكَمَا لَغِيْلَتْ ن نَسْكْنَا نَوْم، 11 مَا حَنْدَا اَذ نِيْلِيْم ثَجَارِم ذِي مَارَا اِ مَارَا ثَا شَرِيْمَتْ نَتِّي اِكَا مَن زَايِنَغ اَقَا ذِي اِ اَرَّبِي. 12 مِيْنَزِي لَحْدَمَتْ ن نَكْهَانَتْ ثَانِيْنَا وَار ثَلِي وَاهَا ذِي طَوْع ن مِيْن اِنْقَصَن اِ اِمْقَدَاسَن، مَاشَا ثَنَاوِي عَاوِذ غَار وَاطَاس ن وُقَاذِي اِ اَرَّبِي، 13 مِيْنَزِي س ثَقْلِبَتْ ن لَحْدَمَتْ-ا، اَقَا سَمَغَارَان ذِي اَرَّبِي زِي سَيِّبَتْ ن طَاعَتْ نَوْم ذِي طَوْع ن شَهَادَتْ نَوْم اِ لَخْبَار اَصْبَحَان ن لَمَسِيح وُلا زِي سَيِّبَتْ ن ثَشْرِيْمَتْ ن ثُوِيْزَا نَوْم اِ نِيْشِي وُ اِ مَارَا 14 وُشَا اَذ خَاوَم زَالَن اَم كَنِيو وَحْشَن خ سَيِّبَتْ ن نِيَعْمَتْ اِفَارِزَن ن اَرَّبِي نَتِّي اِ ذَاوِيْم اِلَان. 15 اِنْقَاذ اِس اِ اَرَّبِي خ ثَمُوْشِي ن نِيَعْمَتْ نَس اِ وَار نَزْمَار اَذ زَايِس نَنْطِق.

اَذَا فَع ن بُولُوس خ نَسَخَارَتْ نَس

10 اَلْحُو نَش بُولُوس سِيْمَانْت اِنُو، زَاوْخَغ كَنِيو س ثَمُوْمِيْنْت ذ لَضْرَا فَتْ ن لَمَسِيح، نَش ذ وَنِي اِلَان ذَا اَمْدَلُول خَمِي حَضَارَغ، مَاشَا خَمِي اِ غَا غَا بِيغ اَقَا-يِي س ثَرِيَا سَتْ. 2 زَاوْخَغ كَنِيو، خَمِي كَنِيو اِ غَا حَضَارَغ، نَهْلَا مَا اَذ اِلِيغ س ثَرِيَا سَتْ نِي قِيْبَالْت ن شَا اِنِّي اِحْسِن اَقَا نَشِيْن نُوِيور اَخَمِي نَلَا ن وِيْسُوم. 3 مِيْنَزِي وَاخَا نَكُور ذَكْ وِيْسُوم ذِي دُوْنِيْث-ا، وَار نَتْمَنَغِي شَا عِلَا حَسَاب اِيْسُوم، 4 س مِيْنَزِي لَسْنَا ح ن وُْمَنَغِي نَغ وَار لِيْن زَكْ وِيْسُوم، مَاشَا ثَوَاسَجْهَدَن زِي اَرَّبِي اِ وَارْدَلْ ن لَسُوَار، 5 جِيْمَا اَذ نَارِيْثَر اِخَارِيَصَن ذَا مَارَا لُوْعَلَا اِكَا عَدَن خ ثَمُوسْنَا ن اَرَّبِي وُشَا اَذ نَحْبِس مَارَا ثَا خَارَصَتْ اِ طَاعَتْ ن لَمَسِيح 6 وُشَا نَكَار مَا حَنْدَا اَذ نَنْتَا قَم مَارَا لَمُوعَصِيَيْتْ خَمِي اِ غَا ثِيْلِي طَاعَتْ نَوْم ثَكْمَل.

7 مَا ثَحْرَا رَم غَار ثَمْسَلَا يِن س وُذَم؟ مَالَا حِد اِتِيْقَى ذَكْ يِيخَف نَس بَلِي نَتَا ن لَمَسِيح، خَنِّي اَذ اِخَارَصَّ عَاوِذ سِيْمَانْت نَس، بَلِي اَمَشْنَاو نَتَا ن لَمَسِيح اَمِّي عَاوِذ نَشِيْن ن لَمَسِيح اِ نَلَا. 8 مَا عِلِيك نَش مَالَا سَمَغَارَغ س شَوَا يْت ن وُفِيض كَنَار ذِي تَسْرِيح نَغ نَتِّي اِ ذَا نَغ اِوشَا اَرَّبِي اِ لِبْنِي، وَار اِلِي اِ وَارْدَلْ نَوْم، خَنِّي وَار تَصْضَجِيغ شَا، 9 مَاشَا اِتْخَصَا وَار ذَاوَم اِنْعِيْل شَا اَذ كَنِيو سِيْكُوْذَغ س ثِرَا يِن اِنُو. 10 مِيْنَزِي نِيْشِي قَارَن ”ثِيْبِرَا يِن نَس قَسْحَنْت جَهْدَنْت، مَاشَا لِحَا ضَارَن نَبَاذَم س اَرِيْمَتْ اِهْيَف وُشَا

اَوالن نَس تَواستَحِقارن .“¹¹ بِنادَم اُمُو اَج اَذ اِفْکَار، اَقَا، اَم مامش نَلا نَشِین ذک وَاوال س ثِرائِین مالا وار نَحْضار، اُمُو اِ نَلا س ثِیذت خُمي اِ غا نَحْضار .¹² مِینِزِي وار نَزْعِیم شا اَذ نَحْسَب نِیغ اَذ نَسْمَقُوذَا اِخْف نَع اَک-ذ شا ن اِنِّي اِسْمَغاران ذک اِخْف نَسْن . اَقَا نِشِنِي وار فَهيمَن شا بَلِي نِشِنِي عِبَارَن اِخْف نَسْن س يِخْف نَسْن وُشا سْمَقُوذَان اِخْف نَسْن س يِخْف نَسْن .¹³ ماشا نَشِین وار نَسْمَغاري شا بارَا اِ لَعبار، ماشا علاَحْساب لَعبار ن واژاي اِ ذ انغ اِوشا اَرَبِي اَمشِناو لَعبار، جِیما اَذ کَنبو-د ناوِض .¹⁴ مِینِزِي وار نَتِیکَوِیض شا اِخْف نَع غار سَنج ن طَارَف، اَحْبي وار غاروم-د نِیویض، مِینِزِي اَقَا نِیوِض-د غاروم س لَخْبار اَصْبَحان ن لَمْسِیح .¹⁵ اَقَا وار نَسْمَغار شا اَم نَکا سَنج اِ لَعبار س لَخْذابم ن اِنْضِنِي، ماشا نَسْشِیم، وُمي اِمْقار لایمان نوم، اَذ نَتَواوَسع اَطاس زَايَوم ذِي تاسِیع نَع،¹⁶ جِیما خَنِي اَذ نِبارَح س لَخْبار اَصْبَحان ذک اِموشان اَغیرین خاوم، اَم وار نَسْمَغار شا ذِي مِین اِتَواکُن ذِي تاسِیع ن اِنْضِنِي .¹⁷ ماشا وِي اِخْسَن اَذ اِسْمَغار، اَذ اِسْمَغار ذِي سِیذِي،¹⁸ س مِینِزِي وار اِلِي وِتي اِوِصان خ يِخْف نَس، ماشا وِتي خاس اِوِصا اَرَبِي، اَقَا ذ وِتي اِتَوافن ذ اَمقَلَب .

بُولوس ذ اِمازانن اِسْخارَبِقن

11 ¹ ماعلیک اَکِیذِي تَکْسِیم شوایت ن تُوْبُوهِلیا، ماشا نِیشان اَقَا تَحْمَلَم اَبِي .
² مِینِزِي شَطارَغ خاوم س اِشْت ن شَضارْت ن اَرَبِي، اَقَا خَضْبِع کَنبو اِ اِج ن وِریاز، جِیما اَذ کَنبو سَوجذغ اَم اِشْت ن تَعزارشْت تِیزِذِیگ اِ لَمْسِیح .³ ماشا کَوِذغ، اَم مامش اَفِیغار س نَحْرايمشْت نَس تُوغا اِغْکَوا هاوا، اَمَنِي عاوِذ اِ غا تَواغوان اِخارِبَصَن نوم وُشا اَذ تَواَفَعن زِي لَصْفایْت اِ اِلان ذِي لَمْسِیح .⁴ مِینِزِي مالا یُوسِي-د حد اِتْبارَح س اِج ن یَشُو نَضْنِي خ وِتي خ تَبارَحغ نَش، نِیغ مالا تَقْبَلَم اِج ن اَرُوح نَضْنِي وِتي وار تَقْبیلَم شا، نِیغ اِج ن لَخْبار اَصْبَحان نَضْنِي وِتي وار تَطْفِیْم شا، اَذ ت تَکْسِیم دَغیا .⁵ نَش حَسْبِغ اِخْف اِنُو ذک وَاو وار لَبِغ قَل اِ اِمازانن نِي اِمغاران اَطاس .⁶ وَاخا وار زَمارَغ اِ وَاوال، ماشا اِ تُموسنا زَمارَغ وُ مان اِبا اِبان اوم-د زِي مارَا اِغَزِیْسَن وُ ذِي مارَا .

⁷ نِیغ خَضْبِغ وُمي تُوغا سَواضِعغ اِخْف اِنُو جِیما خَنِي کَنبو اَذ تَواشوعلام، اَم ذ اوم بارَحغ س لَخْبار اَصْبَحان س نَبْلا؟⁸ اَقَا کَشْضِعغ تَمْسُومِنِن نَضْنِي اَم خاسنَت طَفْغ تَحْلِیصْت جِیما اَذ سَخارَغ اِ کَنبو .⁹ وُشا وُمي تُوغا حَضارَغ اَکِیذوم وُشا تُوغا ذابِي

لِخَصَص، وار بَسَلِّغْ وُلا خ حد، ماشا مین ذ ایی اِخَصِّن، عَمَّارَن ت واومائن اِنِّي
 اِ د یُوسین زي ماسیدُونِیْیا وُشا حَضِیغ اِخْف اِنُو ذِي مَارًا ماحنْد وار خاوم تَبَسَلِّغْ
 وُشا اَمُو اَذ قِیْمَغ حَضِیغ اِخْف اِنُو.¹⁰ نِیذت ن لَمَسِیْح اَقَا-ث ذایي، اَقَا اَسْمَغارا وار
 ذ ایي اِمْنَع ذِي جَوایح ن اَخایا.¹¹ مایمِی؟ ما مینِزِي وار کِنِیو تَخَسَغ؟ اَرَبِي اِسْن.
¹² ماشا مین تَكْغ نَش، اَذ قِیْمَغ تَكْغ ت خَنِّي، حِیما اَذ كَسَغ نِزِي ن اِنِّي اِ اَرزُون
 لُورِصا، ماحنْد نِیْئِي، ذِي مین ذِي سَمَغاران، اَذ بانن اَمَشِناو نَشِین.¹³ مینِزِي ذِکَا
 ذ اِمازانن اِسْخارِیْقَن ذ اِخْدامِن اِسْمائِن اِنِّي اِتْکَن اِخْف نَسْن اَخْمِي ذ اِمازانن ن
 لَمَسِیْح.¹⁴ وار اِلِي ذ اَبْهَت مینِزِي وُلا ذ شِیْطان اِتْکَن اِخْف نَسْن اَخْمِي ذ لَمالاک
 ن تَفاوْت.¹⁵ اَمُو خَنِّي وار اِلِي ذ ثامسَلالِشْت ثامقَرانْت، مالا عاوْد اِمْسَخارَن نَسْن
 تارَّان اِخْف نَسْن ذ اِمْسَخارَن ن نَسْکُذا، اِنِّي ثانْکَاروْت نَسْن اَذ ثِیْلِي علاْحَساب
 لَخْدایم نَسْن.

اَوْدَب ن بُولُوس

¹⁶ قَارَغ اِ وُموْر نَضِیْی، وُلا ذ اِجَن مَّا اَذ اس اِتْغِیْل اَقَا-یِي ذ اَبُوْهالی. مالا وار اِلِي اَمُو،
 قِیْلَم اَبِي اَمَشِناو اَبُوْهالی ماحنْد خَنِّي عاوْد نَش اَذ سَمَغارَغ شوایْت ذِکْ اِخْف اِنُو.
¹⁷ مین سَوالِغ، وار ت قَارَغ زي سِیْذِي، ماشا کِیغ ت س ثُوْبوْهالی تَنِّي ذ دَساس ن
 وُسَمَغارا اِنُو اِ ذِي تِیْقَغ.¹⁸ وُموي خَنِّي ذِین اَطَّاس اِنِّي اِسْمَغاران علاْحَساب اَنِسُوم وُلا
 ذ نَش اَذ سَمَغارَغ.¹⁹ مینِزِي کِنِیو تَقْبَلَم مِلیح اِبُوْهالییْن اَم نَلَام ذ اِمیغِیْسِن.²⁰ اَقَا تَقْبَلَم
 مالا حد اِتارًا کِنِیو ذ اِسْمَغان، مالا حد اِتْت اِ کِنِیو، مالا حد اِتْکَس اوم مین غاروم،
 مالا حد اِسُوْعلا اِخْف نَسْن خاوم، مالا حد اِسْمَدَارِضار کِنِیو.²¹ س لُعار قَارَغ، اَقَا
 نَشِین ثُوْغا نَضَعْف اَطَّاس اِ ماناوْئِي. ماشا مالا حد اِزْعَم، اَقَا نَش سَوالِغ اَم وُبوْهالی،
 عاوْد نَش زَعْمَغ.²² ما نِیْئِي ذ اِعِیْبَرانِیْن؟ وُلا ذ نَش. ما نِیْئِي ذ اِسْرايِلییْن؟ وُلا ذ
 نَش. ما نِیْئِي ذ زَارِیْعَت ن اِبْراهِیْم؟ وُلا ذ نَش.²³ ما نِیْئِي ذ اِمْسَخارَن لَمَسِیْح،
 نَش عاذ ماھُو، واخا نَش سَوالِغ اَم وُتِي اِتْخَلْفِن. کَسِیغ ثامارا ماھُو، شِیغ ثِیْیِشا تَبْلا
 لُقِیاس، ثُوْغا-یِي ذِي لِحْس اَطَّاس ن اِمُورن وُشا زَرِیغ لَمُوْت اَطَّاس ن ثُوْالوین.
²⁴ وُتِین اَبِي وُذاین خَمْسا ن ثُوْالوین س وُرْکُوْض س اَرَبِیْن ن ثِیْیِشا قَل اِشْت²⁵ وُشا
 ثَلانن اِمُورن وُتِین اَبِي س وُکْشُوْض، اِشْت ن ثُوْالا حِجَّارَن اَبِي، ثَلانن ن ثُوْالوین
 یارَز زَايِي وُغارابُو، لیلْت ذ وُزِیل ذ اَفْتُوْس ثُوْغا-یِي ذِي لُبُوْغاز.²⁶ ثُوْغا-یِي ذِکْ وُپَرِیْد
 اَطَّاس ن ثُوْالوین، ذِي لِحْطارَن اِغْزْران، ذِي لِحْطارَن اِشْفارَن، ذِي لِحْطارَن

يبي ن لكتس انو، ذي لخاطار ن يبي زي لكتوس نصني، ذي لخاطار ن نذيت، ذي لخاطار ن لخلا، ذي لخاطار ن لبحار، ذي لخاطار ن جار اوماش اسخاريقن، ²⁷ ذي لخدمت ذ تامارا، ثوغا-بي ذي ليالي نبلا اخص اطاس ن ثولاوين، ذي لاز ذ وفادي، وُشا اطاس ن امورن ا زومغ، ثوغا-بي ذي شمض ذ ثوعارينت ²⁸ وُشا عاذ وار سولغ شاخ لهم ن كول اس، اقات ذ امنوس انو ا مارا نيمسومين. ²⁹ مالا حد اضعف، ما وار تبليغ وُلا ذ نش ضعف؟ مالا اناو اسحق حد زي شان وُندرف، ما نش وار شمعف؟

³⁰ مالا اخص اذ اناو سمغار، اذ سمغار ذي ثوضعت انو. ³¹ اربي، ثابابا ن سيدينغ يشو لمسيح، وني اناو باركن ا لبد قاع، اسن اقا نش وار سخاريقن شا. ³² لحاكم ن وُجليذ اريثاس ذي ذيماشق ثوغا اخطا ناذيت ن اذيماشقين، يارزو اذ ابي اطف، ³³ وُشا سكن ابي-د زك اچ ن لكارزي، سهوان ابي-د خ لحيض، ا رولغ زك افاسن نس.

لوجي ن بولوس

12 اس صاح اسمغار وار ذ ابي انفع شا، ماشا اذ د اسغ س اوحان ذ اِساركانن ن سيدي. ¹ اقا سنغ اچ ن بناذم ذي لمسيح، ثوغا اربعتاش اِسكوسا زك وامي، ما ثوغا ذي اريمث نيغ بارا ا اريمث، وار سينيغ شا، اربي اسن، وُشا وائينا امكسي غار وُجنا ويس ثلاثا. ² وُشا سنغ بلي بناذم ني، ما ثوغا ذي اريمث نيغ بارا ا اريمث، وار سينيغ شا، اربي اسن، ³ اقا امكسي غار جنت ماني اسلا اولن اني وار ازمار اذ توانطقن، اني وار احللن ا بناذم اذ ثن انطق. ⁴ زي وائينا اذ سمغار، وار سمغار شا ذك ا خف انو مغير ذي ثوضعت انو. ⁵ ماشا مالا خسغ اذ سمغار، وار تبليغ ذ ابوهالي، مينزي اذ اينغ ثيدت. خني اذ ث جع جيما وُلا ذ اچ وار خافي اناو اص مامش ليغ، سنج مين زابي ا زرا نيغ سنج مين زابي اسلا ⁶ وُ جيما وار تنواسكيعذغ شا زي سيبث ن طبيعت بوغلان ن اِساركانن ني، اموش ابي اچ ن وُستان ذك ويسوم، اقات ذ لمالاك ن شيطان اذ ابي اشانن س لبونيات ماحند وار تسكيعذغ شا ا خف انو. ⁷ ثلاثا ن ثولاوين تارغ سيدي اذ خافي ث اسكوج. ⁸ وُشا نتا انا ابي " اقا نيعم انو تشفا، مينزي جهذ انو اناو اكممل ذي ثوضعت. " خ وُيني اقا مليح مالا سمغار ذي ثوضعت انو، جيما اذ ذابي اذذغ جهذ ن لمسيح. ⁹ خ وُيني ارضيع س

تُضعِف، س تُزاورث، ذِي لَعْبِن، ذِكْ وُمارَث، ذِي ضَيِّقاتِ ذِي طَوْعِ نِ
لَمَسِيح، مِينِزِي خَمِي ضَعْفَع، لَخَذَنِي نَش جَهْدَغ.

ثاسخارث ن بولوس اِكورينثيين

11 اَقَّا ذَوْلُغِ ذِ اَبُوهاَلِي، كَنِيوِ تَحْصارَمِ اَبِي غارَس، مِينِزِي تُوغا اِتْحَصَّ اِ كَنِيوِ اَذِ اَبِي
تُقَدَّارَم، مِينِزِي وار لَيْغِ قَلِّ وُلا ذِكْ اِسْتِ نِ لِحاجتِ زَكْ اِمازاننِ نِي اِمغارنِ،
واخا نَش ذِ وَاوِ. 12 اَقَّا تَوَاكَّتْ جاراومِ مارا لَعلاماتِ نِ وُمازان، س مارا صَبَّار،
س لَعلاماتِ، س لَمُوَعَجِيْزاتِ وُلا س لَعجايبِ. 13 ما ذِي مِينِ ذِي كَنِيوِ جِيغِ غارِ
ضَفَّارِخِ تَمْسُومِنِ اِنْضَبِي مُغْيِرِ ذِي مِينِ ذِي نَش وار خاومِ بَسَلِغ؟ سامحَمِ اَبِي خِ
وُخَطو-يا!

14 اَقَّا ذَا، لَخُو ذِ ثاوا لا ويسّ ثلثا اَقَّا-بِي وَجَذَغِ حِيما اَذِ غاروم-دِ اَسَغِ وُشا وار
خاومِ تَبَسِيَلِغ، مِينِزِي وار اَرزُوغِ مِينِ نومِ، ماشا اَرزُوغِ خاومِ كَنِيوِ. مِينِزِي وار ذِ تُوَسِي
اِ اِحْنَجِرِنِ اَذِ خَمَلِنِ اِ لَوَالِيذِينِ نَسِنِ ماشا لَوَالِيذِينِ اِ اِحْنَجِرِنِ نَسِنِ. 15 وَجَذَغِ سِ
لَفْراحتِ اَذِ سَبَلِغِ اِحْفِ اِنُو وُشا اَذِ تَواسَبَلِغِ ذِي طَوْعِ نِ لَعمارِ نومِ. ما كُورِغِ اَذِ طَفَغِ
ذُرُوسِ نِ ثائِرِي مالا وُشِيغِ اومِ ثائِرِي سِ واطاس؟ 16 اِوا اُمُو، اَقَّا وار خاومِ بَسَلِغ، ماشا
تُوغا-بِي ذِ اَقْدَاشِ، طَفَغِ كَنِيوِ سِ ثَحرايْمِشْتِ. 17 ما نَش سْتَنْفَعِ زايومِ سِ شانِ اِجِ نِ
بِنِي تُوغا اِ غاروم-دِ سَكْغِ؟ 18 تارغِ تِيئوسِ وُشا سَكْغِ-دِ اَكيسِ ثاوماثِ. ما يارِبِجِ تِيئوسِ
زايومِ؟ ما وار تُوئورِ شانا سِ اَرُوْحِ ذِ اِجِنِ ذِ اِسورافِ ذِ اِجِنِ؟ 19 ما اِتغِيلِ اومِ عاوِذِ بَلِي
نَشِينِ نَسَلَقَا خِ يِخْفِ نَعِ زايومِ؟ اَقَّا قِيبالْتِ اِ اَرَبِي ذِي لَمَسِيحِ اِ نَساوا لِ وُشا مانِ اِيا
مارا، اِ اِمعيَزِنِ، خِ سَيِّبِ نِ لَبِنِي نومِ. 20 مِينِزِي اَقَّا كُوذِغِ خَمِي اِ ذِ غا اَوْضِغِ وار كَنِيوِ
تِيغِ شانا مامَشِ خَسِغِ وُلا وار ذايي-دِ تِيغِمِ شانا مامَشِ ثَخَسِمِ. بالاكِ اَذِ اِلينِ اِمْنِغانِ،
لَحَسَدِ، تافقاَحْتِ، اِمشُوبَشِنِ، اَشَقَفِ، ثاخبارِجِشْتِ، نَفاَحْتِ وُلا ذِ اِخارِوِبِضِنِ،
21 بالاكِ خَمِي اِ دِ غا ياسِغِ ثاوا لَتَضَبِي، اَرَبِي اَذِ اَبِي اِسواضِغِ وُشا كُورِ اَذِ شَضِغِ خِ
واطاسِ نِ بِنِي اِخْضانِ، وار تُوينِ شانا زِي لَحْمِجِ ذِ تُوَقْحِييْتِ ذِ وُفُوْشِجِ اِ كَنِي.

اَعْلَامِ اَنْكَارُو

13 اَقَّا ثا ذِ ثاوا لا ويسّ ثلثا اِ ذِ غاروم-دِ تاسِغِ. س وُقْمومِ نِ ثنائينِ نِيغِ ثلثا
نِ لَشهُودِ اَذِ اِتْواكْسِ وَاوا لِ. 2 تِيغِ تِ قَبْلِ وُشا نِيغِ تِ قَبْلِ اَخْمِي تُوغا-بِي
اَكِيذومِ ويسّ مارتائينِ، وُشا لَخُو، وُمي غايِغِ، تارِيغِ تِ اِ بِنِي اِخْضانِ قَبْلِ وُ اِ مارا

اِنْضَبْنِی، بَلِّی، مالا وُسیغ-د ثاوالا نَضْنِی، وار اَرْحَمِغ شا. 3خَنِّی ثارزُوم لِبُوْرهان بلی اَقَا لَمَسِیْح اِذ اِبِی اِسْاوالن، وَنْی وار اِضْعِیْفن ذایوم، ماشا اَقَا-ث اِجْهَد ذایوم. 4مِیْنِزِی واخَا نَتَا اِتْواصلَبْ زِی ثُوْضَعْفَتْ، اَقَا اِدَار س جْهَد ن اَرْبِی. مِیْنِزِی وُلا ذ نَشِیْن اَقَا نَضْعَف ذایس، ماشا اَذ کِیْس نَدَار اِکْنِیو زِی جْهَد ن اَرْبِی.

5قَلْبَم اِخْف نُوْم، ما اَقَا کْنِیو ذِی اِیْمَان، اَرْزُوم اِخْف نُوْم. ما وار نَشِیْم شا زَك اِخْف نُوْم بَلِّی یَشُو لَمَسِیْح اَقَا-ث ذایوم، نِیغ اَقَا کْنِیو وار نَتْواقَلْبَم شا؟ 6ماشَا سَیْیَمِغ اَذ نَسَم بَلِّی وار نَلِّی وار نَتْواقَلْب. 7تَتَارْغ اَرْبِی ماْحَنْد وار نَتْکَم شا مِیْن اِلَان ذ اَعْفَان، وار اِلِی جِیْمَا نَشِیْن اَذ نَبَان ذ اِمْقَلَابِن، ماشا جِیْمَا اَذ نَتْکَم مِیْن اِلَان ذ اَصْبَحَان، واخَا نَشِیْن نَبَان اَخْمِی وار نَتْواقَلْب. 8مِیْنِزِی نَشِیْن وار نَزْمَار وَالُو ضِیْد اِثِیْدَتْ، ماشا اِثِیْدَتْ واه. 9مِیْنِزِی نَشِیْن نَفَارْح لَامِی نَضْعَف وُ کْنِیو نَجْهَدَم. وُشا نَزَالَا عَاوْذ اِلْکَمَالْت نُوْم. 10خ وُیْنِی تَارِیغ اُوْم-د مان اِیَا زِی لاکُوْاج، ماْحَنْد، خَمِی اِغَا حَضَارْغ، وار تَقْسِیِغ شا عِلَاْحَسَاب صُوْلَطَا اِذ اِبِی اِوْشا اَرْبِی اِلْبَنِی، وار اِلِی اِوَارْدَل.

اَسْلَم اَنْکَارُو

11اِغَار وُنْکَارُو، اَأُوْمَان، فَارْحَم، عَذْلَم اِخْف نُوْم، فُوْجَم خ اِخْف نُوْم، خَارَصَم س اِجْ ن وُخَارَاَص، اِلِیْم ذِی لَهْنَا وُشا اَرْبِی ن ثَاوِرِی ذ لَهْنَا اَذ کِیَوْم بِلِی. 12سَلْمَم اِجْن خ وَنْضَبْنِی س وُسُوْدَم اِقْدَسِن. 13مَارَا اِمْقَدَّاسِن تَسْلَامِن خَاوْم. 14تَبِعْمَتْ ن سِیْذِی یَشُو لَمَسِیْح ذ ثَاوِرِی ن اَرْبِی ذ ثَمُوْنْت ن اَرْوَح اِقْدَسِن اَذ اِلِیْن اَکِیْذُوْم مَارَا. اَمِیْن.